

Mid-Day Dogri News Bulletin, 09th May 2025

समे – 12:25

<><><><><><>

Pak Missiles

पाकिस्तान नै जंदी रातीं जम्मू दे सतवारी, सांबा, आर.एस.पुरा ते अरनिया पर 8 मिसाइलां दागियै हमला करने दी कोश्ट कीती। रक्षा सूत्रें दस्सेआ जे सब्बने मिसाइली हमलें गी एयर डिफेंस यूनिट कन्नै नाकाम करी दित्ता गेआ। जम्मू पर इ'नें हमलें दा दक्ख इजराईल पर हमास दे हमले दा चेता करोआने ज्नेया हा। पाकिस्तानी फौज आतंकी गुट हमास आह्ला लेखा कम्म ते बवहार करै करदी ऐ। पाकिस्तानी खूफिया एजेंसी आईएसआई ते हमास मझाटै पिच्छले म्हीने पाकिस्तान दे नजैज कब्जे आहले कश्मीर च मलाटी होई ही। जंदी रातीं आहले हमले च अंतर्राष्ट्री बन्ने दे कोल जम्मू, पठानकोट ते उधमपुर दे फौजी ठिकानें गी पाकिस्तान नै मिसाइलें ते ड्रोन कन्नै निशाना बनाने दी कोश्ट कीती पर एहदे च कोई नुक्सान नेई पुज्जा। भारती थेहारबंद बलें इ'नें हमलें गी बेअसर करी दित्ता। रक्षा सूत्रें जानकारी दित्ती जे पच्छमी बन्ने पर केई थाहरें पर दुश्मन दे हमलावर ड्रोन दिक्खे गे। भारती वायु रक्षा प्रणालियें कन्नै इ'नेंगी असरदार ढंगगै'नै नश्ट करी दित्ता गेआ। इस्सै दरान कल रातीं 11 बजे सीमा सुरक्षा बल नै जम्मू-कश्मीर दे सांबा जिले च अंतर्राष्ट्री बन्ने पर घुसपैठ दी बड्डी कोशश गी नाकाम करी दित्ता।

<><><><><><>

India Attack

भारतीय सशस्त्र बलें जंदी रातीं ड्रोन ते होरने थेआरें कन्नै उत्तरी ते पच्छमी शैहरें गी नशाना बनाने दी पाकिस्तान दी सब्बने भैड़ी कोशशें गी नाकाम करी दित्ता। ड्रोन ते मिसाइलें राएं कीते गेदे हमलें गी नाकाम बनाया हा। भारत ते एहदे पर जवाबी कारवाई दे रूपै च लाहौर च पाकिस्तान नै ड्रोन ते मिसाइलें राएं अवंतिपुरा, श्रीनगर, जम्मू, पठानकोट, अमृतसर, कपूरथला, जालंधर, लुधियाना, आदमपुर, भटिंडा, चंडीगढ़, नल, कलौदी, उत्तरलाई ते भुज सनें एत्तर ते पच्छमी भारत च केई सैन्य ठकानें गी नशाना बनाने दी कोशश कीती। इनें गी इंटग्रेटिड काउंटर यूएस ग्रिड ते वायु रक्षा प्रणालिएं निष्प्रभावी करी दित्ता। नष्ट कीती गेदिएं पाकिस्तानी मिसाइलें दा मलबा केई थाहरें पर लब्बा ऐ, जेहदे कन्नै पाकिस्तान दे हमले दी पुष्टी होंदी ऐ।

<><><><><><><>

LG

उपराज्यपाल मनोज सिन्हा होरें कल इक बैठक लाइयै जम्मू कश्मीर दी सुरक्षा स्थिति दा जायजा लैता। इस बैठक च मुख्य सचिव, जम्मू कश्मीर दे डीजीपी, प्रिंसिपल सैक्रेटरी होम ते होरने वरिष्ठ अधिकारिणं हिस्सा लैतां। उपराज्यपाल होरें अधिकारिणं गी निर्देश दित्ते जे ओह सतर्क रौह्न ते कनून बवस्था गी बगाड़ने ते फर्जी खबरें गी रोकने लेई सख्त उपाह् करन। उनें डिवीजनल कमिशनरें गी निर्देश दित्ते जे ओह प्रमुख नागरिकें कन्नै मिलन ते लोकें कन्नै गल्लबात करियै उनेंगी नेई डरने ते सबर कन्नै इस स्थिति कन्ने निबड़ने लेई प्रेरित करन। उपराज्यपाल होरें आखेआ ऐ जे जिला अफसरें गी बी बन्ने आले इलाकें दा दौरा लाना चाहिदा ते लोकें कन्नै मिलियै उंदी सुरक्षा, सेहम सरबंधी सेवा ते होरने जरूरी सेवाएं गी बी जकीनी बनाना लोड़चदा।

<><><><><><><>

CM

मुख्यमंत्री उमर अब्दुल्ला होरें वीरवारें बन्ने कन्नै लगदे जिलें दे डिप्टी कमीशनरें कन्नै बैठक लाई ते जमीनी हालात दा जायजा लैता। सोशल मीडिया पोस्ट एक्स पर मुख्यमंत्री हुंदे दफतरै आस्सेआ दित्ती गेदी जानकारी मूजब मुख्यमंत्री होरें सारे जिले दे जमीनी हालात दा जायजा लैता ते आखेआ गेआ ऐ जे जरूरी सेवाएं दी सुचारु उपलब्धता गी जकीनी बनाने दे जतन कीते जा'रदे न।

<><><><><><><>

Airport closed

पाकिस्तान आसेआ हाल च कीते गेदे हमलें करी किशनगढ़, भुंतर ते लुधियाना ब्हाई अड्डे गी बंद करी दित्ता गेआ ऐ। एहदे शा पैहले राजस्थान, पंजाब, जम्मू-कश्मीर, चंडीगढ़ ते हिमाचल प्रदेश सने केई राज्यें च ब्हाई अड्डें पर डोआरियां रद्द कीतीआं गेइयां हि'आं। तोआई सिविल हवाबाजी मंत्रालय नै मीडिया दी ओकड़ी खबरें दा खंडन कीता ऐ जि'दे च आखेआ गेआ ऐ जे मुख्य भरै दे ब्हाई अड्डें गी बंद कीता गेआ ऐ। दिल्ली ब्हाई अड्डे नै

जाततरा सरबंघी सलाह जारी करदे होई आखेआ ऐ जे डोआरियां बरोबर ते सामान्य तौरा पर चला'रदिआं न।

<><><><><><>

Delhi Airport Advisory

दिल्ली हवाई अड्डे पर विमान परिचालन सामान्य रौहग। पर बदलदी हवाईक्षेत्र स्थितियों ते सखत सुरक्षा उपायें करी किश डोआरिया दा समां बदलेआ जाई सकदा ऐ। अज्ज जारी परामर्श च दिल्ली विमानपत्तन प्राधिकरण नै जहाजे दे सूचारु संचालन आस्तै यात्रियों गी सुरक्षा ते एयरलाइन कर्मियों कन्नै सहयोग करने दा आग्रह कीता ऐ। लोकें गी भटकारने आहली सूचनाएं थवा बचने ते सेई जानकारी आस्तै आधिकारिक स्रोतें पर भरोसा करने दा बी आग्रह कीता गेआ ऐ।

<><><><><><>

NHW Closed

जम्मू श्रीनगर राष्ट्रीय जरनैली शिड़क एनएच-44 रामबन जिले दी चंबा सेरी इलाके च भारी लास पस्सियां पौने करी बंद ऐ। शिड़क गी ठीक करने दा कम्म अजें तगर पूरा नेई होआ ऐ। लोकें गी सलाह दित्ती गेई ऐ जे ओह जम्मू श्रीनगर राष्ट्रीय जरनैली शिड़क दा कम्म पूरा होने थमां पैहले यात्रा शुरू नेई करन। अपनी यात्रा शिड़क ठीक होने मगरा करन ते शिड़क दी ताजा स्थिति बारे जानकारी ट्रैफिक नियंत्रण कक्ष थमां लैती जाई सकदी ऐ।

<><><><><><>

Catch The Rain

जिला प्रशासन रियासी नै उत्थे बरखा दा पानी भविष्य दे इस्तेमाल लेई जमा करी रखने सरबंघी अभियान “कैच दा रेन” गी कामयाबी कन्नै मुकम्मल करी लैता ऐ। राष्ट्र व्यापी जल शक्ति अभियान तैहत रम्भी गेदी इस मुहिम च सरकारी मैहकमे, मकामी लोकें ते बक्ख-बक्ख समुदायें दे मिम्बरे बघी-चढ़ियै हिस्सा लैता। इस अभियान दे तैहत बरखा दे पानी गी जमा करने दे अलावा तलाएं गी साफ ते संरक्षित रखने, पानी दे रिवायती होरनें स्रोतें दे रख-रखाव ते संरक्षण जियां तलाह, नाडू बगैरा चैक्क डैम ते बरखा दा पानी जमा करने दे कम्में गी अंजाम दिता जंदा ऐ।

<><><><><><><>

IMD

मौसम विभाग नै अरुणाचल प्रदेश, असम ते मेघालय च लगातार बरखा होने दी संभावना जाहिर कीती ऐ। आंध्रप्रदेश, गुजरात, हिमाचल प्रदेश, जम्मू-कश्मीर, महाराष्ट्र, राजस्थान उत्तर प्रदेश ते पश्चिमी मध्यप्रदेश च तेज हवा ते आंधी चलने दा अनुमान ऐ। गांगेय पश्चिम बंगाल, ओडिशा, तमिलनाडु ते पुद्दुचेरी च गर्म ते उमस भरा मौसम बना रौहने दी संभावना ऐ। पश्चिम बंगाल दे गांगेय क्षेत्रें, ओडिशा, झारखंड ते बिहार च कल तक लू चलने दी संभावना ऐ।

<><><><><><><>

